

最新滑稽襍誌

掃葉山房印行



最新滑稽雜誌卷二

雲間顛公編輯

討蟻媒檄

顛公

蓋聞救。蟻。中。狀。元。之。選。夢。蟻。聯。駙。馬。之。姻。居。臣。大。義。蜂。王。遜。其。森。嚴。戰。陣。雄。威。蛙。帥。無。此。勇。猛。渺。茲。微。豸。亦。具。靈。機。故。能。爲。文。人。所。贊。揚。入。稗。官。之。記。載。洎。乎。後。嗣。遽。入。下。流。蜂。蠆。之。毒。潛。滋。螟。蛉。之。生。不。類。逞。潰。隄。之。狡。智。水。溢。難。防。施。蛀。屋。之。奸。謀。屢。傾。可。慮。猶。復。貪。心。不。足。刁。計。潛。施。結。來。狗。黨。狐。羣。慣。作。蜂。媒。蝶。使。嬰。蜬。可。憫。竟。被。誘。入。蚊。巢。弱。燕。堪。憐。不。惜。布。來。蛛。網。毒。幾。同。於。虺。蜴。害。更。甚。於。蠹。魚。是。用。大。張。聲。威。嚴。加。勦。滅。搗。成。蟻。醬。應。須。鐵。杵。千。槌。滅。去。蟻。巢。祇。藉。沸。湯。一。勺。永。絕。青。蠅。之。污。點。并。除。白。鴿。之。狡。謀。兵。機。所。及。誰。敢。抗。虎。豹。之。聲。威。劫。運。同。遭。安。能。保。螻。蟻。之。性。命。此。檄。

討臭蟲檄

壽俠

告爾臭虫知悉爾以渺小么麼齷齪體質輒敢率其醜類投間抵隙擾我清夢聚我香衾攢噬我肌膚吸取我膏血而又臭氣逼人不堪嚮邇擬以溷內之蛆坑際之蠅

彼不過託迹穢污爾則敢以人爲食罪更大矣擬以水側之蚊袴中之蝨彼不過恣情舖餽爾則又與糞爲鄰體更濁矣人世衛生之道無不以清潔爲先爾則賦性極頑藏身至垢客棧腥羶之地牢獄黑闇之區無不聯羣結隊涵育滋生據之爲銷金窟安樂窩而且性最趨熱每逢夏日氣燄愈驕苟有客至欣然紛來飽則颺去居必曖昧素畏人見稍觸火光則急逃避有時爲人所捕多不敢捏以指畏爾之臭也誤碎之則惡臭四衝令人幾作三日嘔豈爾之所以自衛者卽恃此臭耶抑昏昏醉夢不知臭皮肉之易腐爛耶又聞爾傳種極速一晝夜間可產曾孫爾始祖不知爲誰或謂來自外洋或謂木中孕育譜系迷離迄無定論爾之託處或在帳縫或在被角或在牀隙之間氣味之相投者若轉丸之蜣撒屁之虫當可結爲忘年友宗旨之反對者若吸露之蟬採花之蝶皆惡爾爾不潔而不屑與游若論爾饕餮之性則擇肥而噬不顧他人痛癢猶貪吏之剝民脂腴民膏而弱以肉爲強食至論爾之臭歷史雖未必有薰黃之臭而饜燄滋張直與借債殃民和圖回扣之老奸同一貽臭又況不避奇污乘機趨利則吮癰舐痔皆所甘爲殆與奔走鑽營皇皇逐臭冀得一溫飽

生活之留學生相視莫逆乎最可惡者爾自號富貴虫又妄稱香姑娘考爾命名之義豈不謂子息孳生連綿不絕猶爵位賞財之生生不已乎然崔烈爲司徒外人嫌其銅臭富貴如爾則濁富濁貴傳之子孫皆臭子孫也近有吞公肥己銅臭衝天之大老其子女皆淫蕩驕奢臭名洋溢或卽爾之化身歟至於香姑娘之號尤爲擬不與倫古人有言方以類聚爾旣自命爲香何以吹氣如蘭衣沾薇露之嬌娥爾未能親近香肌竊嘗一鬢耶欺世盜名殆亦如今之假名士弋取芳聲躡躑顯秩以成其吞納銅臭之謀乎要之爾之所爲若證以今日之官吏無論新舊法律皆在必誅之例爲官者嗜民膚吸民血殺無赦爾固以人血爲糧者也爲官者貪一時之利不恤萬年之臭殺無赦爾更全體皆臭遺種皆臭者也爲此傳檄示爾臥榻之近斷不容爾輩侵吞爾其率爾醜類遠徙他方東海臭夫爾可依其宇下其他嘗人糞之郭霸嗜狗糞之賀蘭進明臭魂不遠臭骨猶存爾皆可取以療飢倘猶執迷不悟膽敢逞其臭惡與我爭一席之安惟有假祖龍之烈燄合目前之牀榻枕衾付之一炬爾之性命種族自當殲滅無遺其勿悔

募修五臟神殿啓

顛公

竊聞靈台之下。華蓋之旁。向有五臟殿一所。殿中有神主之。從前規模頗爲宏敞。酒池環於外。肉林繞於前。米山聳於左。右四方人士之瞻仰此殿者。上自牙關。下達穀道。中經咽喉。要津憧憧。往來日必三四。至故能廟貌豐腴。神采煥發。嗣因失於將護。被饑火暗中焚燒。致全殿大半毀壞。殿後瞻有菜園。又於某日爲羊羣前來踏破。神靈至此。血食斬絕。幾同餒而之。若敖某等託庇神宇。本有至密切之關係。若任其香火衰微。酒漿缺乏。何以昭來享而慰已饑。爲敢籲求海內外諸大善士。抒解衣推食之忱。屢發粟散財之願。源源接濟。俾米倉重建。粥廠宏開。殿宇藉以重新。藏府不虞匱乏。神兮有靈。造福於諸善士者。當非淺鮮也。肅此布陳。伏維善鑒。

泥頭木偶擬設維持神安會啓

戲

吾等不幸。丁此時艱。前不能庇佑清廷。後不能匡助民國。惟大模尸樣。坐吃地方之寶燭。白享廟祝之香燈。問心已屬有愧。況自光復後。尸位依然。騎牆中立。不除帝王之徽號。不去敕封之奴銜。北帝逞仗劍威風。未能剪髮。土地守抱金主義。不肯輸財。

奴隸性。成甘爲公敵。是以有擲頭毀像之禍。向使知機。反正明哲。足以保身。又或臨變遁逃。遐荒豈無容足。今滿清官吏無不如此。惟我等進退失據。遂使身受其災。嗚呼。此亦自取之也。道吾聞前清官場中。有所謂滑頭政策者。係設維持公安會。以騎牛之見爲首鼠之謀。某省先開其端。某埠復步其後。雖不能行。諸久遠。然爲權變計。亦可偷旦夕之安。今事迫勢危。毫無把握。不如襲彼之故智。爲我之護符。詢諸各神。無不贊助。故特設一維持神安會。茲定某月日開大會議。研究進行方法。以保神安事關大局。幸勿放棄責任。此佈。

組織吼獅公會啓

壽俠

竊以陰陽敵體。固爲守舊常談。男女平權。亦屬維新正論。況齊眉之相敬如賓。交頸之聯歡偕老。理無偏重。勢豈獨尊。不意我中國五千年政體。妄逞雄風。致令我女界二百兆同胞。暗無皎日。設非振刷精神。恢張勇武。自處於地道卑柔之例。終歸於天演淘汰之班。同人等素抱熱忱。不甘雌伏。集羣第羣力。以銳進求。再接再厲之奇功。林擊壁而塵飛。聲驚居士。柄作鞭而輿速。氣短相臣。願學孫夫人之佩劍侍婢。皆強

羞爲桓公主之擲刀。老奴枉罵雪恥。千秋復仇。一日前秦樓。後楚館。休教迷溺花叢。左西子。右南威。那許酣歌桃葉。奉歐族多妻之禁。杜齊人一妄之萌。惟是男兒薄倖。莫守盟言。朋友淫邪。更工煽惑。旣鼠竊狗偷於別院。復鸞顛風倒於平康。防範殊難。科條宜定。用是創興盛會。借助同儕。整頓美人之陣。修明娘子之軍。剪刀擊刺。毒甚戈矛。牀第憑臨。嚴同師保。倘令藩籬竟潰。琴瑟罔調。或招妓而銀釭斜背。或藏嬌而金屋幽棲。青樓夢到。亦是魂飛。紅拂奔來。都緣目誘。旣負同心之約定。成附骨之傷。必使作三公之跽。屈體哀鳴。更當開四畏之堂。秉公訊判。挽主權於內室。樹閭範於崇朝。惟三百六旬子夜。不許分眠。斯二十一日酉時。全消酸味。有人致消牝雞定興。師以問罪。任爾妄稱雌虎。益奮力以揚威。庶幾固結愛情。謝太傅管絃不御。尤願廣聯團體。梁夫人桴鼓同持。切無氣餒。中途貽妾婦之譏。於孟子從此詩刪。靜好變婚姻之禮。於周婆此啓。

附開簡章十四條

(宗旨) 本會以削奪男權。恢復女權爲宗旨。

(定名) 本會聯合女界。務振閩威。雪往日陰柔之恥。破男兒壓制之謀。故名曰吼獅公會。

(資格) 須真有胭脂虎本領。壓抑丈夫。如小兒驅使丈夫。如奴婢者。始准入會。

(職員) 本會選總理一員。協理一員。會董十員。會友無定額。但須有切實保證。眞不受丈夫管束者。始公認爲會友。

(祀神) 本會師法古人。若隋文帝之后。獨孤氏。桓温妻南康公主。及王導妻曹夫人。陳慥妻柳氏。諸先皆賢崇奉。其本主每月朔望。行祭拜禮。

(罰夫) 本會同人皆禁制丈夫。不准頭妾宿娼。如有不守閩訓者。則罰令舐納跑地。并迫令宿竈。下以困之。

(救援) 本會諸友如有勢力不敵。忽被丈夫蹂躪者。同人當大起娘子軍。前往救援。務令其夫長跪服罪。而後已。

(年齡) 不計年齒。但須有丈夫者。始得列會。若有媳有女。欲資爲家庭教育之助者。亦可到會旁聽。

(家法) 本會以婦女爲極尊。凡家中瑣事如烹調縫紉撫嬰孩滌馬桶管理門戶照料燈火均係男子專責。婦人惟安坐享福。會中諸友各奉此爲齊家要則。

(女校) 同人共盡義務於本會之中。附設振威女校。收集各會友家女子。教以牝雞司晨。雌虎強權之作用。以造就女界雄才。

(特會) 本會友友之夫。如有私納小星。潛游北里者。已經發覺。而猶崛強不服。同人等當開特別大會。共謀對付之策。

(常會) 本會爲交換智識起見。每日午後二時。一律到會。研究女英雄。實用以爲家庭用武之預備。

(會費) 各視其雌威之程度。爲納費之標準。若有特別雄風。使男子日日跪伏於裙下者。公舉爲會中師範員。免納費。

(出會) 會友在家。如有貪戀歡情。迷信舊說。誤守服從主義。墮入以順爲正之中者。立逐出會。

創辦大疑團緣起

簡公

民國成立。社團漸多。彼也一團。此也一團。有宗旨同。而名稱異者。有立於絕端。反對之地位者。姑勿論。各行其是。不能由小團以結大團。由獨團以合衆團。卽就一團測之。亦多驚其名。而遺其實。權利所在。竟見易生無秩序。以維持無感情。以聯絡名曰團體。實似散沙。團乎團乎。吾見其打做一團而已矣。此其爲結團之道也。吾不能無疑焉。初以組織而成團。後以互打而成團。豈諺所謂不打不成相識耶。抑所稱先玉帛而後干戈耶。以此結團。直成兒戲。既有此種團體。不可無大疑團。以收納之。疑團者。何卽各存疑忌之心。各挾疑慮之見。強迫威脅而成之者也。以你疑我。我疑你。爲宗旨。以疑人。必用用人。必疑爲目的。對於社會上事。假者疑之。爲真。無者疑之。爲有。無論如何總要疑惑不定。猶豫不決。方合本疑團之資格。今各社團懷疑之人。當亦不少。本團惟有設法招致之。庶幾疑事共訂。疑義共析。多聞不可闕。疑多見。惟有存疑。疑點既多。疑心益起。務成古今未有之疑案。功疑爲重。不問其真正革命之元魁。罪疑惟輕。不問其人。賊並獲之。囚犯雖罪大惡極。惟以嫌疑犯待之。對於衆人。皆以

形跡可疑。爲主。所謂知人知面不知心。不能不啓猜疑也。此大疑團之組織不外此。犖犖數端。世有狐疑者乎。同人所由欽羨者也。杯中蛇影可疑之處甚多。但能結團以研究之。則乍見疑夢。弄假疑真。古往今來。過去現在。無在而非疑境矣。

報館記者傳（仿陶淵明五柳先生傳）

漱石

記者不知何許人也。亦不詳其姓氏。館中掌記述部。因以爲號焉。率直敢言。不避權貴。好磨夜。不求甚早。每有所聞。便欣然序稿。性嗜爽言事。不稍曲諱。政府知其如此。乃定律以限之。展閱輒駭。期在必守。旣守而噤。其奈任情阿諛。終歲焚然。無間寒暑。燈前桌上稿件盈尺。紛如也。常箸論說。自娛頗適。已志開通社會。以此自期。贊曰。時人有言。不切切於勢要。不急急於利祿。其言茲若。人之儔乎。燃犀鑄鼎。以竟其志。瑪志尼之流歟。加富爾之流歟。

蜉蝣都督傳

失名

某都督不知何許人也。革命軍起。依附某烈士。欲藉以成其功名。逮事敗。則走海上乞師。自稱某地都督。實則并無寸土。始終寄人籬下。故時人號之曰寄生都督。無何

南北統一。清帝遜位。某自請取銷名號。人見其瞬息變遷。有類於朝生而暮死。因遂定其號曰蜉蝣都督。云都督少時游學東方君子國。氣概崢嶸。議論英爽。頗爲彼都人士所稱許。新橋藝妓下女輩尤仰望其丰采。所至罔不倒履以迎。及俄人蹂躪東三省。滿廷俯首噤舌不敢爭。留學諸生咸大憤慨。遂倡議組織義勇隊。思以虛聲恫喝敵人。都督於時被推作隊長。其學級之高。才力之卓。任事之勇。皆能出人頭地。故爲儕輩推服如此。既而學成歸國。數年來碌碌無所表見。人咸訝之。而不知都督正養精蓄銳。將待及鋒而一試也。武昌倡義。舉國響應。都督方以標統督新軍數千人。鎮守某處邊要。孤懸域外。與中原消息不相通。乃遣人齎蠟丸書。問道走盧龍塞。赴燕謁吳大將軍。謀合內外諸帥。大舉以搗燕都。制清廷之死命。事爲他人所洩。吳因之殞命。諸同志欲爲吳復仇。都督深窺大勢之所在。以爲事機未至。不可勉強而行。徒喪身而無益於民國。遂棄其軍隊。微服以遁。艱關達南中海口。居月餘。遍結交南中志士。方是時也。南省苦兵革。資糧匱乏。器械不備。艱窘危險之狀。不可言喻。加以衆志不齊。號令不一。各存割據偏偶之計。并無統籌全局之規。恍如一盤散沙。不知

誰是主腦。都督之來。本意欲在南展其霸圖。睹此現象。大失所望。於是重思利用。舊部以據雞林黑韃之屬。步虬髯公後塵。提出乞餉。乞械。書於海上。軍政府主者欣然許之。都督守候多日。毫無消息。親往促之。主者不見。傳語曰。事急矣。願公先行。餉械繼往。都督慮其反覆。必欲面領。主者怒絕之。都督顧而之他。他之主者亦口惠而實不至。或以敷衍之術相對付。都督憤極。一日。縱手槍。以自戕。傷腿際。流血至踝。左右驚救。之翌晨。事遍傳於海上。各報某寓公感都督之熱誠。遂代籌十萬金。俾挾以北行。都督至是喜可知也。既抵登萊之間。駐節於某海島。立幕府。延賓客。電檄馳於四方。天下由此而知都督之認真辦事焉。島上風雲惡。民俗僻陋。無可怡悅。都督居久之。鬱鬱不自聊。唯拚飲酒以爲消遣。計醉後則走馬章臺柳巷間。打鴨驚鴛。嗔鶯叱燕。以發其牢騷。不平之意如是者。又久之。一日。正入章臺。揚鞭得得。忽有物由上擲下。中都督肩。都督怒。斗仰首則見一玉雪麗人。嫣然向都督而笑。都督不覺。嗔然而亦笑也。麗人者誰。黃其姓。金翠其名。新自丁沽間來。爲島上之翹楚。都督大悅之。是夕。遂定情焉。金翠貌美而情深。有口辯。能作新名詞。纍纍如貫珠。聽者不知其腹中。

無物也。都督戀惑萬狀。過從無虛日。至則掩關而坐。喁喁低語。外人不得聞。唯見金翠屢點其首而已。或置酒高會。與其幕府諸英。泥首痛飲。都督高唱革命軍歌。金翠手調三絃琴。和之。烏民噴噴羨美。以爲風流如此。真神仙中人也。旣而革命軍收統一功。都督於是乎棄其虛名。電請取銷。以爲天下諸候倡。部下兵隊二百人。亦先後遣散。意欲量珠聘金翠。攜以南還。鵠母不久。故昂其價。以難之。遂使多情人。卒未能聯爲眷屬云。野史氏曰。迹都督平生所爲。大都熱血用事。暗鳴叱咤。不可一世。而當其情之所鍾。輒又低徊欲絕。目論小儒。輒妄議都督。爲兩截人。殊不知民國英雄。別有襟抱。非此固不足以成其人格。彼小儒者。又烏足以知此哉。

嗚呼先生傳

失名

嗚呼先生。不詳其姓氏。產於亞洲支那之愁鄉。生時乃黃帝紀元之四千三百餘年。先生墜地時。卽發嗚聲。甚爲哀慘。其祖安樂公。以爲不詳。欲棄之野。其祖母及母不忍也。稍長。讀書極聰穎。讀支那歷史。至衰弱亂亡之時代。必考其原因。太息不置。痛哭流涕。終日無愉色。嘗謂命不猶人生。逢多難。俯仰身世。愁緒泉湧。每一下筆。悲涼。

沈痛成文一篇。嗚呼二字。凡數十見。人故以嗚呼先生呼之。先生生平無一嗜好。凡花天酒地。友招之。却勿往。或強挽之去。酒酣耳熱。必縱談時事。不肯稍作一轉圜語。舉座爲之不歡。談至快意。幾欲擊碎唾壺。先生頗好作詩。嘗有嗚呼詩三章。第一章曰。如此好頭顱。對鏡呼嗚呼。嗚呼復嗚呼。欲哭涕淚枯。嗚嗚嗚。堂堂漢族人。隸奴第二章曰。蒼蒼五洲圖。披展呼嗚呼。嗚呼復嗚呼。奈此昂藏軀。嗚嗚嗚。吞噬之下無完膚。第三章曰。支那將榛蕪。蒿日呼嗚呼。嗚呼復嗚呼。血盡痕模糊。嗚嗚嗚。少年有志吾其徒。此詩誠國民之警鍾也。先生以多愁損年。於某年某月某日某時逝世。余景其人哀其遇。爰作贊曰。翳彼先生。塵夢一場。丁此末局。先生其狂全局。糜爛行將。偃偃先生。塊壘澆以酒觴。先生癥結散以文章。先生之愁眉爲不揚。先生之苦魂爲不忘。撫膺問天。怒噴蒼蒼。拔劍斫地。第二王郎。血不足惜。胆亦慣嘗。先生名譽支那。有光咄咄。腐儒驚定。且僵噫嘻。先生之風山高水長。先生之死亘古以流芳。

孔方兄傳

余友孔方兄。性恬靜寡言。其持內也。方不屑隨人意。而外甚圓。通用之。則行舍之。則

祖樹樹

藏有孔顏之操。趨人之急。濟人之困。有君子之行。上自公卿大夫。下至市井販夫婦人。孺子皆求與之。交聞其聲。則喜然無介。紹欲納交。兄終不可。焉有貴介公子。嘗賤兄棄之。如糞土。兄嘿嘿不以爲忤。退而長嘆。謂予曰。天下熙熙而往。攘攘而來者。皆求友於予。喜予至其家。焉。既至其家。又不能久而敬予。輒使予終日不少休。予厭之。然未嘗有慍色。獨恨某富翁。一見予。卽加之束縛。不使予稍動也。然猶有可喜者。翁愛予甚。夜未嘗不與予寢。間日不見。則去予之束縛。而與予語。予輒不應。或長聲而泣。翁不解。傾耳而聽。注目以視。仍不解已。而若有動於中者。則大喜。少選復捆焉。予惟忍氣吞聲而已。然翁有所使。則能隨其意之所欲。忿爭辨訟。非我不勝。怨仇嫌恨。非我不解。此翁所以雖束縛我自由。而亦不敢令予去也。賤子聞之。愀然曰。兄之振貧濟弱。達窮開塞。可謂有道之君子矣。而受富翁之束縛。行動不能自由。不亦重可悲耶。然吾因之有感焉。人而無兄。其何能居官行賈。誇一時榮一鄉耶。國而無兄。又何能行庶政。却大敵耶。國際交涉。非兄不辦。地方新政。非兄不舉。兄之有功於世。豈尠也哉。兄有子名鈔。有父風。其內不若君之方。正蓋習俗移之也。今敬處四方者。皆

兄。之。子。孫。其。方。正。類。兄。者。則。隱。居。不。出。故。世。不。多。見。兄。姓。錢。使。其。名。孔。方。其。號。云。

段莫君傳

失名

君。姓。段。名。莫。東。國。黑。水。生。也。其。先。有。名。科。斗。生。者。當。黃。帝。時。抗。顏。而。爲。蒼。頡。師。蒼。頡。造。字。凡。立。法。一。秉。其。師。之。模。範。時。科。斗。生。老。矣。誠。之。曰。造。字。貴。簡。單。適。用。象。形。諧。聲。二。者。已。足。今。汝。益。以。會。意。指。事。轉。注。假。借。後。世。殆。必。有。以。文。字。艱。深。亡。其。祖。國。者。蒼。頡。不。聽。科。斗。生。憤。甚。蹶。跡。江。湖。間。終。身。不。與。聞。世。事。君。其。苗。裔。也。少。無。大。志。時。與。頑。童。嬉。戲。雖。困。於。澗。轍。辱。之。泥。塗。不。以。爲。苦。及。長。以。伏。處。池。中。爲。非。計。浩。然。有。湖。海。之。志。涉。歷。稍。廣。叩。復。歸。田。輒。思。發。撫。其。主。義。成。一。在。野。之。演。說。家。每。當。宿。雨。初。收。斜。陽。返。照。農。夫。野。老。蹀躞。隴。畔。君。幾。欲。執。途。人。而。語。之。其。言。甚。長。世。莫。能。盡。紀。顧。其。大。旨。尤。終。日。不。去。口。者。國。國。閣。閣。而。已。君。既。強。聒。不。舍。一。般。之。在。野。實。業。家。頗。厭。苦。之。乃。詰。君。曰。君。亦。知。社。會。生。計。之。萎。縮。乎。歲。比。不。登。百。物。昂。騰。正。稅。附。加。擔。負。日。重。吾。輩。方。救。死。不。暇。迨。君。國。國。閣。閣。之。主。義。發。達。曾。不。如。索。我。於。枯。魚。之。肆。矣。君。則。仰。天。而。號。曰。嗟。乎。汝。知。生。計。之。萎。縮。乎。於。是。將。蘊。蓄。國。閣。主。義。與。社。會。生。計。之。大。關。係。長。言。

之不足。又重言之。反復詳明。大暢厥旨。聞者耳熟。能詳於國。國閣閣之問題。始遍印諸衆生之腦海中。

大炮友傳

辟塵

大炮友姓車氏。字子虛。山西無爲縣人。子車氏之後也。世多以大西客稱之。好讀西遊記。諸書稍涉。獵卽通。其意喜清淡。有東晉風。尤肯言公益事。常與支公爲友。茶樓烟館中常過相從而支公亦非大炮友不樂也。昔齊威王好滑稽。以故公孫衍淳于髡優旃之屬皆歸焉。楚舉兵加齊。齊使淳于髡求救於魏。淳于髡爲溝車豚蹄之喻。遂解楚圍。齊王大喜。益獎勵滑稽。特設學校以教國人。聘莊周東方朔之流爲教習。大炮友以最優等畢業。挾所學以周旋於社會。人多喜之。大炮友亦自負常慨然。報館記者終日伏案。其效僅得三千毛瑟。何用力多而成功少耶。其自大如此。共工氏嘗與祝融氏鬥。共工不勝。以頭觸不周山。天柱崩。地維折。天將覆矣。天帝大懼。募有能託天者。重賞大炮友。聞之笑曰。誰謂上帝全知全能耶。欣然應命而往。以一手托之。使女媧氏煉石以補其闕。天帝喜。卽命二人爲偶。其後子孫蕃衍。今日遂徧天下。

云。

洙泗共和國開幕記

倚頓

山東自光復後。黨人各挾意見。地方騷然。孔陵亦有岌岌不保之勢。孔門弟子聞之。勃然怒奮。起頒發傳單。召集臨時會於杏壇。出席者三千零七十二人。公舉閔損爲議長。冉耕澹臺滅明。司馬牛公冶長。顓孫師林放。巫馬期言偃。漆雕開等七十二人爲議員。議決建設共和政府。選舉臨時大總統。閔損曰。孔仲尼先生確抱共和宗旨。其平時宣布政綱。有曰。民可使由之。不可使知之。蓋謂民所認可者。使行政官由之不認可者。則使行政官知之而已。是明明尊重民權也。遂行正式投票選舉。全體贊成。閔損又宣言。顏回克己復禮。足任副總統之職。衆議員又行投票。全體贊成。尅日組織內閣。孔大總統乃由尼山致電參議院。以南宮适爲內閣總理。求其同意。參議院遂開委員會討論。僉以南宮适爲尙德君子。遂得全體同意通過。越日南宮适前往參議院。提出國務員名單。出席於議場。登壇略述各閣員之歷史。謂內務部總長擬以冉雍任之。斯人也。駢角見稱。可使南面。雖欲勿用人。其舍諸冉求。曾用矛。

戰勝齊師於軍事。學大有經驗。可充陸軍總長。仲由曾乘桴浮海。沙線風濤。諳練有素。可充海軍總長。有若盍徹之對。深惟富國原理。可充財政總長。外交部擬以宰予充之。司法部擬以高柴充之一。則善於言語。一則慎於司刑。諒能稱職。樊須曾學農圃。端木賜長於貨殖。以充農林工商兩部。成績當有可觀。曾參受一貫薪傳。不特長於教育。而且優於道德。畀以教育總長。允洽其宜。交通部甚難其選。惟卜商曾使楚國。跋涉山川。於交通之道。當有研究。且兼熟外交。可充是職。演畢退席。巫馬期進曰。清開全體委員會。澹臺滅明清議長。宣告秘密會議。於是總理南宮适及旁聽者蘧伯玉。公孫僑等。咸出議場。衆議員對於各閣員均無異言。惟謂宰予素好晝寢。倘外國公使來會。而外交官依然高臥。未免有傷國體。而礙那交。議畢。仍請總理出席。各議用無記名投票選舉。各部總長均通過。惟宰予票數同意者三十三票。不同意者三十八票。遂請總理另舉一人。南宮适躊躇至再。乃以公西赤易之。並稱其禮樂君子。曾使齊。樽俎折衝。尙不隕越。議員重行投票。全數同意。議長乃宣告內閣成立。遂散會。

孔門運動記

遠 生

話說現在一般時髦朋友專講究的是運動。就有一般運動不著。吃醋罵人。殊不知運動之學。就出在我中國正統學派的孔夫子。你看他老人家好好的不在家。刪詩訂書制禮作樂。卻丟下他的三千弟子七十二門人。專門一車兩馬周遊列國。這不是運動是什麼。不過他有些積剩的束修。列國諸侯同那些大夫。又送些束帛。因此有一個車子兩匹馬。可以終日的奔走。不似現在的運動家。至多是一個車子一匹馬。或是坐坐東洋車罷了。在下曾從一冊秦始皇未經燒過的祕書上看見一段故事。就是孔老先生運動做魯國大司寇時的一樁新聞。那司寇的官彷彿現在的司法總長。那就職的一天。孔老先生正在侃侃如也。鞠躬如也的時候。什麼愚弟季孫蘧伯王受業顏淵冉求原憲姪壻公冶長山人微生畝都紛紛來道喜。忙得那闕黨童子酒掃應對進退之不暇。除掉季孫三家是他大靠背冉求子路別有大靠山之外。其餘那一般門生盡是一簞食一瓢飲。曲肱而臥。捉襟見肘的朋友居多。指望着這位老師做了大官。大的便想個費宰肥缺。有民人焉。有社稷焉。小的也想做個委

吏乘由。或是抱鬪擊柝之吏。要曉得中國人奴隸恨性自古已然。什麼誦詩讀書問政。請益都是敲門之磚。惟有子張學干祿。是孔子門徒中嫡派到了這個時候。不要說肥馬輕裘的。子華朽木糞土的。宰予紛紛的一命而僕。再命而俯羨慕他的宮室之美。百官之富。就是浴乎沂。風乎舞雩之會。點他澡也不洗了。涼也不乘了。瑟也不歌了。一心靠着位。老師吃着不盡。不料做不到三個月工夫。魯國雖是道不拾遺。孔子卻已席不暇暖。你想以曾夫子這個高尚的人。孔子不過隨便說了一句。吾道一以貫之。他就說道。唯唯唯唯。唯唯者。就是着着之意。可見這官場唯諾成風。不自今日爲始。所以孔子氣極。將牆築得高有數仞。將門關得鳳鳥不至。見事人便取瑟而歌。有人來求事。總是謀事不成。弄得後來七十二賢人三千弟子。人人憤恨。個個怨天尤人。往汶上的。往汶上貨殖的。貨殖投奔季氏的。投奔季氏使於四方的。使於四方。孔子又因束修用盡。沒有錢去巴結季孫。到底挂冠而遁。餓於陳。蔡之間。那時車也沒有了。馬也沒有了。徒弟也不侍坐了。故喟然而嘆曰。從我者皆不及門也。這都是有憑有據的話。諸位聽聽。可不是不是呢。

四大鑽家開研究大會記

菱

某月某日。昆蟲各族開研究大會。請東海龍王爲會長。隨派蝦兵守衛。以螃蟹鼈爲招待員。午後一時。無腸公子搖鈴開會。有橫目將軍兼祕書員報告。今日開會大意。請各鑽家獨抒己見。毋勦襲。毋雷同。一時蛇鼠泥鰍啄木羣聚於此。互相推讓。蛇遂向前言曰。鄙人久居深山大澤。素未接見王侯。每年惟三月出山。九月仍歸原處。其藏器待時。一身傲骨。均消磨於靡盡。所以至今活潑潑。越鑽越靈。越巧人間富貴如操左券。鄙人技能如此。諸君以爲何如。鼠黨聞言不服。遂起而駁辯曰。蛇君手腕真是靈活。但知進而不知退。鄙人竊有不取以鄙人愚見。與其藏於山澤。何如居於城市。鄙人近年來學得晝伏夜動。鑽地鑽天。進退無阻。有時縱爲主人。瞥見欲投且忌其器焉。此鄙人技能較蛇君差勝一籌矣。蛇曰。不錯。不錯。時泥鰍在座。俟蛇鼠言畢。亦遂登臺演說曰。鄙人辱在泥塗。爲世所棄久矣。今聆兩君言。何敢望其肩背。鄙人所長。只能軟過而不能硬穿。每一行動遇石則止。故困阨田間。不能出人頭地。雖以鑽之術。得其半。未得其全。而亦一生吃着不盡焉。蛇與鼠黨應聲曰。能不

護所短。卽能盡所長。可無慮。惟啄木最後發言。披難以上三說。曰。凡百技能。尤貴憂。憂獨造。蛇君雖善鑽。每苦不能知難。而退鼠君善鑽。又往往首鼠兩端。爲通人所病。惟鯁君稍形圓滑。亦不出污泥之外。一遇石田。輒技無所施。以余往來空際。遇有千尋合抱之木。他人鑽之彌堅者。余則無堅不破。指顧間卽鑽穴相窺也。非若三位老兄。蹈暇乘隙。不能特開生面。余雖不同種族。黨派各殊。茲因龍王令下。特來與聞緒論。各獻所長。龍王曰。啄木之言。迥出諸家。上鑽之之術。盡於斯矣。昆蟲各族。均拍手贊成。遂搖鈴散會。

囊橐送行記

奇 透

甚矣孔方之無情也。往者不可諫。來者猶可追。余雖不才。不能爲當世富豪所重。然孔方絕不念總角之交。竟棄貧賤而就富貴。何其忍也。雖然。余與孔方。不過如兄弟之情。而孔方之與囊橐。實有主賓之誼。余本寒素。未免累及孔方。而囊橐則殊有惠於孔方。因孔方托足於囊橐之間。爲時不爲不久。故孔方之棄我。猶可言也。其棄囊橐。則無情甚矣。意者孔方之怒我。而棄我。且波及於囊橐。厭我而忘我。遂遷怒於囊

囊耶如實有其情使我何顏以對囊橐也。孔方已去囊橐空虛雖使賢者處此猶不免撫景而興嘆而況余以草莽下士乎。孔方者金錢之主將也。今之世界雖貴爲總統賤至奴隸莫不仰孔方之丰采思有以運動之其運動之能力無不以見事之一呼百諾上下承風奔競鑽營但求孔方之一顧而孔方亦遂志得意滿崖岸甚高迥不如囊橐之中正和平可貧可富富貴不易其初志貧賤不易其所守雖盈滿豐餘依然也。空虛困乏如故也。此亦上中下社會之所深諒者也。今者我負囊橐非囊橐負我如慰留於窮鄉僻壤與不佞同此患難非待賢之理也。與其遲遲我行將不免心有所懸而反多流戀不若直捷送行而附於富者之身較爲簡便則未來之盈滿豐餘不難達欲速之目的賢者如囊橐想亦深味余言而俯如所請也。雖然不佞與囊橐交好有年今雖暫別異日豈無會合之期不過晤對無常年華易暮爲可嘆耳。臨別贈言願囊橐勿效孔方之無情是則故人切切之囑辭也。

蟲官記

倮蟲之中有蟲官焉。猛如虎。貪如狼。狠如羊。總名之曰大蠹。其爲物也有叩頭蟲。

簡公

有糊圖蟲。有可憐蟲。有放光蟲。碩鼠。廁於中。豺狼當乎道。蠕蠕蠢動。不可紀極。合各蟲類。以成官吏。雖豸有觸邪之念。而蠅多蜚聲之時。故鸞鳳不來。黃鵠高舉。牛驥竟同一阜。蛇鼠反成一窩。蟲官得勢。鯨吞蠶食。沉酣綠蟻。吸納青蚨。招集燕鶯。流連蜂蝶。老牛噬犢。居然文子同升。走兔混形。竟致雌雄莫辨。昔時螻屈。今日鷹揚。舒臥蠶之眉。張飢鷹之吻。或則龍蛇混雜。或則狼狽爲奸。馬多害羣。蠅皆射影。極蟲官之情。狀有非溫犀所能畢照者焉。嗚呼。黔驢之技。有盡。鼯鼠之技。易窮。若蟲官者。可謂變幻百出者矣。蚓食槁壤。彼則剗地皮。蟬飲清露。彼則吸人血。由上之說。殆類穿山甲。由下之說。殆類蚊蚤。虱網羅不能去。芸香不能辟。哀我人士。其如蟲官何哉。吾閱小說。有曰狗官者。狗只一種而已。有曰狼官者。狼亦一獸而已。今乃易之以蟲。或飛或潛。或羽或甲。聚無數之蟲。豸以成團體。螫人以毒。傷人以涎。古人所謂無恙者。當於今日稱之官一變。至於蟲復何望耶。世有放蛇龍之夏禹。驅虎豹之周公。出而維持。除去醜類。則民生方慶安居也。企余望之。

危樓記

戲

危城二十里之外有危途循危途而行至於絕處是爲危境境之下有危崖崖之上
有危山荆棘叢薄沙石突兀有樓翼然臨於山巔者則危樓也經風而搖遇雨而漏
雖胆正命平如敢死之士皆不敢逼近而思危子悍然居之顏其樓曰避世蓋有托
而逃也有人怪而詰之曰異哉子之居也高而危險而絕一旦不測立成碎粉矣此
豈保身之道乎思危子曰噫子徒知有形之險象而忘無形之危機也又安知吾之
用心哉夫危行言遜者見機之君子也危邦不入者避世之賢者也康莊平坦馳驟
自如固非與登高臨深者同日語而豈知風波之起卽在平地乎以吾目光見之實
無在而非危境也強鄰眈逐聲言干涉可危政界黨見時起紛爭可危軍人交鬪旋
滅復起可危盜賊遍地江河梗塞可危尋仇報復小人道長可危商務困敝財源日
竭可危由此觀之固無一而非危事無處而非危地猶得苟延旦夕者乃倣倖非太
平也今子不是之慮而慮及危樓毋亦見小而遺其大乎樓高而危人皆知之位高
而危則知者絕鮮殆溺於常而忽於遠也豈知吾人居此於人無競於世無爭非一
境外之桃源哉思危子之言或人無以難因愛其所居并爲之記

祝融氏遊上海四馬路記

墨 顛

歲在辛亥。時維中秋。桂花開候。皓月當空。祝融氏遊興頓發。屢聞上海福州路爲世界唯一繁華際。此良宵佳景。何不駕臨一遊。卽通函與回祿君約於十七夜三鼓時。先在萬華樓等候。未幾回祿君乘風火輪至。隨行者有火老鴉數十名。是時祝融氏腹正飢餓。而頗講衛生。卽偕回祿君同至慎食衛生館。素酌命火老鴉等分往叙賓園。近水臺小吃約於青蓮閣齊集。然後再往昇平樓看野雞。正行間。忽聞軍樂聲。詢爲東洋影戲。及一切戲法。祝融氏謂曰。祿君曰。此等幻術。我們從未見。何過不進去。一廣眼界。遂去看影戲。及戲法。正看至出神處。忽有火老鴉報道。有小火老鴉數名。在昇平樓看中野雞。紅金鳳。至合興里裝乾濕去了。祝融氏曰。他們初至上海。難得遇此種女人。任他胡鬧去罷。祝融氏由影戲場出。復至小廣寒。聽書有唱京調者。有唱小曲者。聽得眉飛色舞。興致勃勃。卽有堂倌請其點戲。隨點紅猩猩之燒骨。計焚絲山兩齣。唱畢。賞洋兩元。卽隨紅猩猩至中尙仁打茶圍。說不盡情致。纏綿復同紅猩猩出。大和豐弄在泰亨洋貨店買些零物。又在西薈芳口買兩斤栗子。紅猩猩定。

要留祝融氏去住。夜祝融氏答道：我已寓定新羣旅館，正躊躇間，忽見火老鴉滿面淋漓，衣履盡濕，報道不好了。天下大雨了，我們快些去罷。祝融氏即同回祿君登風火輪數十名，火老鴉簇擁而去。

滑稽折獄記（一）

靜去

一富室子私一媼婦，其夫弟訟之官。官訊之，則對曰：吾與其兄相友善，且既死，彼不能養其嫂。吾時時周卹之，彼因愧生忿，且與吾有夙嫌，故以是相誣耳。官乃叱訟者曰：汝以小嫌誣及汝嫂，俾爾兄蒙羞地下，誠莠民也。其歸善視爾嫂，敢再訟者當重笞。訟者懼而退。乃顧謂富室子曰：汝誠善人也。且跪案側視我，拆他獄令吏以他案進，則有一欠債訟者，訊其數對曰：渠欠我錢六十千三年矣。子母猶未償，吾現亦苦貧，故不得已而訟之。訊被告者，則頓首曰：吾非不欲償，奈力不足。何官沈吟曰：一欲緩償而不能待，一欲速償而無所出，將何以處此耶？既而輾然曰：是無足慮，有善人在。乃顧謂富室子曰：彼兩人如此艱窘，亦爲善者之所哀憐也。爲代償此債，可乎？某不敢辭。亟應曰：諾。欲起則止之曰：且少留，尙有一案未審。曷盡此，然後歸。又提第二

案至乃一被控其子忤逆者問子安在則先逃去矣官徐慰之曰爾子不孝若此當爲爾責懲以期改行願已逃去安從覓之老年人氣憤無所洩將鬱而生疾可若何有頃曰得之矣又顧謂富室子曰汝旣力行善事今代彼子受答如何某頓曰此事烏可代者曰何不可此亦善舉也遂答之三十笞已笑問曰尙欲行善否吾案牘山積盍一一爲吾了之則泥首謝曰不敢矣乃釋之去

滑稽折獄記(二)

前清同治間知縣段廣清蘇人宰浙江鄞縣時以廉明稱一日騶從偶出遠見人如蟻簇環立某米店門首衆口喧騰似有譁辯段頗以爲詫命二快隸往問旋偕二人來伏輿前一自稱鄉中人一則米店東也鄉人供以父病來城延醫道經某米店足誤踐其雛雞致斃店東索賠錢九百小人囊中僅得銅錢二三百枚不足以償因與爭論耳段曰雛雞值幾何乃索九百乎鄉人曰店東言雛雞雖小厥種特異飼之數月重可九斤以時值論雞一斤者厥價百文故賠索九百小人無以難也段顧米店東曰鄉人言眞乎店東曰眞段笑曰賠索償之數殊不爲過汝鄉人行路不慎斃人

之雞。夫復何言。應卽遵賠。鄉人曰。吾非不遵。奈囊資不足耳。段曰。汝可典衣以足之。再不足。本縣爲汝足之可也。時環觀者嘖嘖罵縣官殊憤憤。以一雞斷償九百。胡有是理。然其時官威重。不敢詰難也。鄉人亦唯唯聽命。解衣付典。得錢三百。合囊資共得六百。段以三百補之。立以付米店東。且笑語曰。汝真善營生哉。以一雞而換錢九百。如此好手段。不愁不致富也。店東面有喜色。叩首稱謝。攜錢而起。段忽命之回。兩人復跪輿前。段曰。吾頃所判尙有未妥當處。汝店之雞。雖飼數月。而可得九斤。實則未嘗飼至九斤也。諺有云。斗米舂雞。飼雞一舂者。例須米一斗。今汝雞已斃。不復用飼。豈非省却米九斗乎。雞斃得償。而又省米。事太便宜。汝應以米九斗還鄉人。方爲公允。店東語塞。乃遵判。以來與鄉人負米去。時觀者一片聲喧。頌神君妙斷。又嘲罵店東。店東顏色赧然。不敢駐足店中云。

滑稽訴訟記

龍

甲乙兩農夫兄弟也。父母死後。將析其遺產。乃遍召諸親戚。置酒高會。各竭其誠。以冀暗有所庇。未幾。房屋田產器具。均一一分判相當。獨一織布之機。無法處置。析之。

則成廢物。各不適用。歸甲。則乙不肯相持。弗能下。居間者議以價值相當之器具爲抵使拈鬪爲定。然而甲乙兩人均欲得機以爲快。久不決。遂涉訟。甲訴諸某孝廉。欲控其弟以得機。孝廉曰：一經涉訟。在在需錢。有余在訟。必勝。然非五十元不辦。汝惜之乎？甲曰：爭氣不爭財。願籌五十元備衙門使費。不願以此機授弟也。乃約期而去。甲方去。而乙亦來。備訴其兄之無狀。必欲控其兄以攘此機。孝廉語之曰：控兄易事。得機亦易事。但衙門中人非錢不行。汝兄已備五十元爲訟費。汝若無費。難以取勝。乙曰：我籌之已熟。願捨五十元以易此機。否則村人將笑吾爲無用也。於是亦約期去。越日甲乙各借貸典質成數。先後交諸某孝廉。孝廉語甲曰：汝姑回靜聽好消息。余當爲汝往見縣尊。訟事必可勝也。語乙亦如之。甲乙歸家。各欣欣然有喜色。甲以爲乙將被逮。乙以爲甲將被逮。互相竊笑。計日以待。未幾有一小舟翩然來。載新布機一上披紅綢。役吏三四人押之直抵村中。呼甲乙至。告之曰：汝兄弟不睦。手足相殘。縣大老爺本擬提案重辦。幸某老爺說情得免。縣大老爺以兄應讓弟。故舊機斷歸弟。然兄亦不可向隅。故又製此機以賞兄。以後不得再有爭執。甲乙乃大喜。甲以

蒙縣大老爺賞賜詡詡自誇乙以訟勝其兄洋洋自得俱不知贈機者爲孝廉也

中國新理財策

含 予

一情稅 王道不外乎人情。是當首重人情。應將夤緣囑託狗情舞弊營私枉法等字樣一概禁用。概用情字括之。衡情大小核定。情稅以後無論至親好友一概現錢交易不得釐毫短繳違者立將情字注銷以昭公正。

一廁稅 按各省除通商各租界外坑廁林立甲於全球。星羅棋布臭味相接城市之中盈千累萬觸目皆是。應咨各省設局抽稅宜令商民稽查勿委官紳深恐官紳香臭不知無從覺察致多隱匿。若合涕唾稅徵收上解作爲整頓各務經費綽有餘裕。

一涕唾稅 查核全地球各稱人之涕唾無有多於華人者。且華人之涕唾同於便溺不必擇地隨處可遣。應仿租界章程科罰凡非涕唾處而涕唾者罰庫平銀五錢。所有一律使費在內不得額外需索以示清廉。

一後門稅 查民間私開後門取便暮夜禁不勝禁。是因勒定嚴章除衙署局所繕

紳董事。凡有關於公事者。例準大開後門外。其餘核其門之大小。關狹進出之難。易繁簡以定稅則。

民國救窮策

戲

(一) 國家愛惜民財。而官界乃任意剝削。小民忍痛輸納。未免心有不甘。應勒令各官將贓物吐出。必可集一巨款。既快民意。復益國家。最爲善策。

(二) 外債籌借。多端要求。勿論如何。終非國利民福。不若仿行求雨法。或者上天垂憐。雨金三日。以濟急需。

(一) 今日新官。大半以愛國急公爲口頭禪。應令其縮食減衣。所有薪俸。暫不支給。

(二) 各種社團。關心時局。動輒通電各處。電文有長至數千字者。未免虛耗資財。應令節省電費。報効國家。當得一宗巨款。

(一) 前清冠服龍旗等物。多爲外人購買。以留紀念。此項亦好銷場。應由國家收取。此等廢物。售於外人。亦生財之道。

(二) 國人好賭習慣使然。自光復後。視禁令如敝屣。體察情形。不若開民國紀念大

賭會盡弛。賭禁以爲耍樂。限三年爲期。任人承充。必可立得巨款。

(一) 民國成立。輸運軍火不少。惟軍隊必須裁汰。應將軍火抬高其價。售與辦民團者。以濟急需。

(二) 圖謀差缺。紛紛運動。更甚於滿清之時。宜示意各官長。廣收賄賂。許以差缺。必得巨款。俟目的達後。卽宣布充公。取其財而逐其人。一以做官邪。二以籌款項。計無有逾於此者。

(二) 速定官制。復開銜捐。彼輩以得民國名器爲榮。當無吝色。是一張白紙。又可爲籌餉計也。

特別籌損策

顛公

立國以理財爲先。財政不充。萬事均無從舉辦。此古今中外之通例也。今民國肇興。經濟困乏。已達極點。政府曾倡議國民捐。公債票不兌換券。亦思行種種搜括之計。以網羅民財。特當此至窮極困之時。僅恃此有限捐輸。或尙虞其不給。是宜多創新法。廣立名詞。於籌集用疑之中。寓改良風俗之意。庶民間財用取之無窮。有理財責。

者。其亦有意於此乎。特仿條陳。用資採擇。

(老爺捐) 共和國民。悉係平等。先生名號。上下通行。而民間習俗。竟仍有稱上等社會人爲老爺者。名不正。則言不順。是宜特設專條。凡稱老爺者。須月損錢若干。其有稱大人。大老爺者。尤須加倍。

(奶奶捐) 老爺之稱。既須捐款。奶奶身分。隨老爺而尊。是宜一律照捐。凡稱小姐。太太者。均就此例。

(吃飯捐) 飯取其充饑而已。然每餐一碗。亦可不至餓死。人苟有吃數碗者。是爲浪費。亟須有以捐之。以勵儉德。而重衛生。

(娶妾捐) 供養妻子。已屬不資。然爲生男育女。計不得不。然乃又不安本分。另賦小星衣服首飾。供應必備。既已財多爲患。雖從重勒捐。殊不爲過。此外。妍頭搭脚。捐數更宜倍之。

(坐轎捐) 人生兩脚。本備奔走之用。擔夫郵差。且有終日奔馳。從無停趾者。乃偶爾出門。輒坐轎子。是非故示闊綽。卽係好逸惡勞。況轎夫亦是人耳。令人擡轎。猶如使

馬。駕。車。揆。之。人。道。主。義。亦。多。不。合。捐。以。巨。款。安。得。推。辭。

（用人捐）既有手足例。須作事。乃自己貪懶。動輒雇人代爲。既多破費。又長人驕惰之惡習。是宜以傭費捐入政府。自己苟勤於動作。於事實亦一無妨礙也。

（應酬捐）親戚朋友。昔人視爲外賊。乃不思遠避。今日請朋友明日望親眷。應酬之費。比日用尤多。於此而提取捐款。庶幾虛文盡刪。事多從實。

（雜食捐）水果糖食糕餅點心。均非人生必需之品。隨便嚼嚼。既費工夫。又費錢財。最爲惡習。以此費充作捐款。爲數當亦不資。

（白相捐）吳人謂遊玩爲白相。以人生寶貴之光陰。而從事於白相。豈不可惜。是宜以捐爲限制。每白相一次。捐錢若干。其有特別之白相。捐亦須特別規定。

（磕銃捐）吳人謂假寐爲打磕銃。入夜睡覺。猶可說也。明明白晝。而打磕銃。其爲懶惰可知。故打磕銃者。須捐資領照。以警其懶。

（陳設捐）鍋竈牀帳坑廁。固爲居家者所必須。若書畫花草古玩。皆屬無用之品。既欲美觀。是宜捐款。量其物之貴錢。以定捐之多寡。

(吃茶損)開水一杯足資解渴必需茗飲胡爲者世人好奢每飲必兩前雙薰浪擲資財莫此爲甚科以捐款誰曰不宜

(葷菜損)淡飯難以下咽不妨略吃豆腐菜蔬況素食衛生會早有人爲之提倡名人作用大有深心乃今人每餐仍需魚肉葷腥豈非有意賣弄多財乎重加捐款者所以儆其貪吃也

(水烟損)吃飯圖飽著衣免寒尙有詞可說水烟呼呼並無益處規定捐款安得抗違旱烟香烟捐數尤宜加重

(綢衣損)夏則敗麻冬則破絮披在身上亦殊無妨乃必圖體面穿著綢做衣服其流不塞爲害無窮分別起捐事須一律

(多子損)夫婦兩人生一男一女既不虧本亦永無人滿之患此固世界之公理也乃有不加留意兒女成行家既吃窮國尤受害是宜詳加調查有逾一男一女之外者處以特捐藉示限制

(房屋捐)是非從前僅收舖戶捐之舊法也凡人有屋一間籍以供坐臥庇風雨足

矣。高廳大屋。暖閣涼亭。胡爲者。法宜除一間屋。免捐外。餘則按累進法。遞次加捐。
(檯燈捐) 古人席地而坐。尙且可以作事。即使古今風俗不同。一檯一燈。亦足敷用。
乃多多益善。藉爲美觀。既係錢多。何不捐些公益。

(醫藥捐) 偶然生病。忍耐無妨。況卽不醫藥。亦不過速死而已。當此米珠薪桂。活在
世上。有何趣味。乃貪生怕死。一有病卽延醫服藥。此種錢財。豈非擲之虛牝。悉數報
捐。最合公理。

(棺槨捐) 上古之世。死則委之溝壑。今謨罕爾。默德之教。亦用裸葬。乃一般人民。死
後。必用棺材。甚或楠木沙枋。大爲破費。死後奢華如此。生前糜費可知。捐雖巨。庸何
傷。

(讀書捐) 樊書坑。儒之秦始皇。眞千古大英雄。乃今人不知其故。子弟長成。必使之
買書。藉入學堂。要知書卽讀。成當此時。世亦難換飯吃。何如不讀書。轉可省些費用。
也。如有必欲讀書者。是宜重捐以困之。

(看報捐) 蔽聰塞明。昏昏悶悶。此種人民。最易駕馭。一閱報章。則開智識。明是非。增

閱歷人民程度。日高殊非政府之福。故須從重收捐。藉寓以征爲禁之意。以上各捐。不過略舉其大概。其有可以籌捐之處。必須窮思極想。愈多愈妙。愈刻愈宜。庶民間固有之財。皆可吸收。之以供政府之需要。總之人民多籌一分之錢。卽政府多得一分之用。理財妙策。莫過於是。是所謂人民應盡之義務。而亦政府應享之權利也。或謂如此搜括。民將不堪。奈何。則謹應之曰。幸爲共和國人民。而猶吝其資財。不盡獻所有。政府亦何貴有此民哉。是則區區設此籌捐新法之微意也。

烏托邦委任教員部孔總長辭職書

竊某少賤多能。謬稱天縱。然博學而無所成名。雖誨人不倦。而未嘗以教育爲專門之業。比年以來。海外學者。忽以始學家見稱。實非深知某者。今承委任教育部總長。殊深皇駭。某生逢亂世。志在匡時。抱斯人誰與之懷。切期月已可之志。每思稍盡義務。爲國民公僕。以踐其執御執鞭之空言。豈有委之重任。反生諉却。然以某學問閱歷。政治經驗。言之。委吏爲財政之見端。乘田亦農林之小試。論外交則夾谷一盟。實以兵力爲後盾。論內務別攝相三月。兼以司法爲專官。充乘桴之想。可以語交通之。

才警藏積之沽。可以執工商之事。卽臨事而懼。好謀而成。亦嘗以參謀自任。況用之則行。舍之則藏。並欲挈吾黨同登。所能効力於國家者。當不止教育一事。若就教育一事而論。雖當時頗負盛名。後世以爲師法。實因抱負未展。而後狂狷思裁。並非如馬帳之專列生徒。更不似鹿洞之力爭門戶。人但見三千弟子。誤解爲十脰束修。遂致政府輒探虛聲。使長部務。夫行政當求實驗。而某未作學部之官。用人必取專科。而某未修師範之業。非敢言才大於用。恐不免用違其才。且姬總理政。見雖同。並未謀面。僅於夢中接洽。次長朱熹學派。雖合而宗旨稍偏。又非由某薦任。以未曾謀面之總理。及不由薦任之次長。能否交相助理。尙未可知。某向負不黨之名。無論超然內閣。混合內閣。無不贊同。並非因黨派牽掣。辭職置國。是於不顧。不過爲政府計。爲一身計。皆有不能不辭之勢。且周流列國。自衛返魯之後。專心正樂防山。先墓日久。失修。近因兵燹之際。新舊軍人紛至疊來。頗遭蹂躪。昨接嫡孫倂來書。培築不能再緩。且恐似天壇之例。將孔林改爲農業試驗場。不得不急歸防守。務懇准免教育部總長之職。俾得回籍修葺。不勝幸甚。

某議員辭職

浪迹

頃證書至。以某充縣議會議員。聞命之下。不勝悚懼。竊議員一席。某嘗以爲非兼才。學識三長者。不能勝任。而愉快。某於三者何如乎。古今中外書籍浩如烟海。平時雖略研究。然皆耳食。未有心得。此學之不足膺選也。行年十四五。卽隨家君宦遊四方。所過名都大邑。非不留心文獻。然於本邑風土人情。却轉少蒐討之功。若漫然以之充選。他日有問不能對。必貽飯桶議員之誚。此識之不足膺選也。至於才之一字。須於事實上發見。某未嘗干預外事。能任與否。已且未信。何況他人。此才之不足膺選也。雖有台命。萬不敢當。且某之意。尙有進焉者。自選舉爭議以來。怪怪奇奇之狀。幾於不勝描摹。卽以敝鄉言之。某生爲學校肄業生。哀然竟列爲首選。某董不知某生無選舉權。及被選舉權。儼然竟榜爲當選。於法固皆不合。然某生之入選。他人之過也。某生能自行辭退。則品望亦高。某董之失查。無心之誤也。其後能自知更正。則心迹亦明。乃某生不自辭退。致煩公民之起訴。某董不肯更正。反代某生而飾非。以致風潮愈激而愈甚。控訴愈多而愈烈。紛紛擾擾。不成體統。嗟夫。嗟夫。選舉如此。真可

爲歎息流涕矣。今者情節已查明。證書已另給。首列者之是否學堂生。自治所之是否據實告。一切皆已明白。至於某之當選。援照選舉定章。原可當之不讓。然自問生平於此事。固素非所志。參觀近況。益惡劇之不願身演。若竟因以爲利而不力自辭。職亦不免以五十步笑百步矣。又況才學識三者之無一見長也。夫事無論激烈和平。在問其公與私否。某本不申訴而卒至於申訴者。主持三代之直道。公也。非私也。某雖可受職。而今不願受職者。自行一心之所安。私也。亦公也。敝鄉雖僻小。不乏隱君子。務請鑒其忱悃。收回成命。或擇賢而畀。或另行組織。則非特某一人之幸。卽於選舉前途。亦藉以有進矣。謹辭。

土木偶像要求舉代議士書

簡公

自女媧搏土爲人。而後生靈繁殖。是人類肇始。本爲人造。而非出於天生也。故賈寶玉云。男子是泥造的女子。是水做的。雖具性靈。知覺。要不外乎人爲。但人爲之手續。繁不若天然之生就。易故假手於雛形。胚胎閱十月工夫。始成爲人。及其死也。皮囊仍化土石。可知人者。塊然一物而已。今偶像出世。與原人時代無殊。木偶桃人。雖有

雜。殊。之。質。圓。顛。方。趾。同。爲。萬。物。之。靈。非。於。五。族。下。別。有。同。胞。一。國。中。甘。居。化。外。論。天。賦。人。權。主。義。自。應。有。參。政。之。權。卽。應。舉。代。議。之。士。在。民。國。衆。生。平。等。無。人。相。無。我。相。類。皆。一。視。同。仁。則。偶。像。等。有。物。憑。焉。未。必。竟。無。知。覺。若。使。之。議。法。參。政。指。陳。利。弊。研。究。得。失。固。遠。勝。於。緘。口。之。議。士。結。舌。之。議。員。必。能。補。助。國。家。不。負。選。任。可。斷。言。也。顧。或。者。謂。頑。物。無。知。何。能。尸。位。此。則。不。揣。本。而。齊。末。之。言。不。知。過。江。泥。馬。尙。效。命。於。康。王。越。嶺。木。牛。猶。服。勞。於。諸。葛。鐵。漢。都。知。流。淚。石。人。也。解。傷。心。曾。謂。俑。者。甯。無。感。動。未。可。以。其。有。外。觀。而。無。內。美。遂。擯。之。於。人。羣。之。外。也。夫。傀。儡。爲。人。播。弄。事。或。有。之。惟。偶。像。則。正。直。居。心。屹。然。不。動。爲。善。男。信。女。之。崇。拜。道。巫。司。祝。之。禱。饗。食。寶。燭。不。爲。不。多。閱。滄。桑。不。爲。不。久。以。此。老。成。歷。練。熟。悉。世。故。議。士。一。席。固。已。恢。恢。乎。游。刃。有。餘。斷。不。致。尸。位。貽。饑。食。言。自。飽。女。子。猶。當。一。面。優。倡。亦。有。公。權。我。輩。何。人。實。不。能。放。棄。權。利。也。前。爲。此。事。當。經。公。同。集。議。僉。謂。偶。像。界。中。應。舉。出。代。議。士。五。名。以。爲。偶。像。之。代表。奎。星。則。忿。然。踢。斗。真。武。則。怒。髮。衝。冠。衆。情。忿。激。勢。難。遏。止。是。用。據。情。請。願。准。其。舉。出。代。議。士。五。名。以。順。物。情。而。昭。公。允。大。局。幸。甚。

鷄族求免閹割慘禍呈衆議院請願書

鷄族代表等誠惶誠恐謹上書於衆議院諸議員公鑒竊聞好生者天地之心也傷生之事不一而割者必不完絕種之事多途而閹者必無後要皆下殘體格上干天和世界野蠻莫甚於此我禽族中受此慘酷之刑者惟鷄爲甚非類艾豎之不才無用於世豈同神駒之致遠力可追風而乃同罹慘割橫遭非刑膠膠爾音司晨昏於宮禁蕭蕭夜雨寄喉舌於階墀虧體辱身沈淪幽隱者歷數千年於茲慨念鷄也者五德見稱著於前代三號有警喚起國民鷄母不准司晨夫綱獨振鷄毛可以禦火灾禍潛消且也雄冠見重於昔賢金距足以禦外侮寫鷄腸之字母喜學英文刻雞形之商標藉通市道志士犧牲其身命俱效雄飛女學進化於歐風無爲雌伏凡茲善種允宜保全今乃生死界於須臾童幼卽被閹割如此忍心加害腐遷懷蠶室之羞卽使有子啓明孟德豈血胤之嗣望鴛鴦以交頸空存跛不忘履之心集璫堞而同棲終抱廢不能人之憾以清白之羽族施慘劇之宮刑一家之利益無多合族之宗祧遂斬槽鷄屈筍均有損於生機怨女曠夫終大傷夫仁政伏乞貴院轉呈大總

統務懇苛刑速廢厲禁永除得效燕婉于飛行見孳生預卜除二千年掖庭秕政庶億萬家五母呈祥無任惶悚待命之至謹呈

組織歡迎新財神會宣言書

渺 養

世人知女媧鍊石補天不知女媧之兄更有鍊金補天之事蓋女媧所補爲有形之天其兄所補乃無形之天其名氏不可祥相傳卽意想界中之財神云昨得上界無線電報稱三十三天將設一鐵道直達至地府以平人道之種種不平其款係由意想界財神籌備此等財神殆自開闢以來未嘗一蒞吾之地球吾國各界素有崇拜財神之信心不可不利用此時會歡迎之今擬發起一會並草定章程數條尙有未盡事宜同志諸君幸各抒所見合力組織俾得早日成立盼甚盼甚

一宗旨 吾國舊日各界對於財神咸有信仰心其有愈信仰而貧愈甚者又以獻媚之不工深自引咎不知世界日益交通向所奉者僅有五路之稱此等猥褻鄙瑣之神自不足以握全球財政也明矣且其竊據香火多年欺世盜名較水火盜賊爲尤甚天地生萬物以養人而舊日之財神乃妄爲增損其間甚至竭我土之菁華以

媚外人。吸吾民之脂膏。以供權貴民賊之虐威。皆此無恥之神階之厲。是水火盜賊人。猶得而防之。此更壟斷把持於冥漠中。實屬防無可防。今既有此思想界中新財神發現。亟宜明正祀典。爭先開會歡迎之。

一名稱。舊日各神有玉皇大帝東嶽大帝諸稱號。民國成立。此等無意識之舉動。自不宜再見。至大人老爺。尤舊日社會之陋習。毫無價值。其不足以重新財神也。審矣。茲加以最近發明明稱。呼曰財神先生。或財君。至舊日財神。應改稱爲財奴。然奴字非民國所宜有。不如變其音爲財孫。以祖臨孫。則餘燄不復逞。且虛名縻之。勿令颺去。亦免利權外溢也。

一會所。舊財神廟。雖所在有之。其足壯觀者。實不多覩。甚有茅屋一椽。苔封四壁。形如糞廁者。今既有此絕域通天之巨神。必得窮奢極侈之處。所崇奉之名實。始稱凡名山勝境。所有之大雄寶殿。三清寶殿。暨舊日之行宮皇殿。悉改爲新財神廟。其像塑於廟中。並塑舊財神像。俯伏於門外。以明伸此抑彼之義。廟所卽爲會所。至各店鋪。則一律改祀新財神。舊神仍伏置案下。

一陳設 舊日享祭財神用猪頭者每佔多數其實猪爲無知蠢物不足以將誠敬甚或天氣炎熱色惡臭惡尤非所宜大漢光復各界髮辮多已剪去棄之亦爲可惜不如將此髮辮飾以綵色線裝以玻璃盒平時可作會場陳列品祭祀亦可藉充福物實化無用爲有用古人中有割髮代頭及割髮代犧牲者尤合以人事神之義一記念 舊時商界旗幟俱繪作銅元形以示金錢主義或謂財神偶像旣騎以虎而銅元之上形則爲龍大有風雲際會之觀今幣制未定商旂尙在擬議之間計不如逕繪新財神於旗以示表裏之如一且可爲會員歡迎之特別標誌將來新財神亦易於入門也但新財神雖耳其名究未一謀其面聞之二五媾精而物生焉新財神者其生物之始二五媾精之謂乎（下略）

乞丐團組織均產會宣言書

無名

啓者現在國改共和民皆平等階級之制度已廢民生之主義漸明各社團紛紛組織團體風起雲湧以謀鞏固其力勢則乞丐等亦不可不乘時而自謀也夫彼等目的名目雖似正大權利不免偏私言論紛紜各於其黨全不顧及大局切中事情猶

能於社會之中分門別戶獨標一幟甚且有代議之舉參政之權況我等破產傾家顛連無告猶守清貧而安本分甯爲餓莩不作強徒是以身分言爲國家之良民以境遇言爲寒餒之乞子雖襤褸污穢猶不失我人格奪我公權當貧寒極地之時作妙想開天之計惟有附和最新學說組織一均產會以劑其窮此雖近於私心仍不失爲公論蓋天地生人同是圓顛方趾皆欲各遂其生本無命理之可言氣數之能限乃富者層樓廣廈鮮衣美食聲音彩色無不羅列滿前而貧人衣不蔽體飯不果腹適處於絕對的地位至於丐等殘羹冷炙麻包禾稈尤爲苦樂懸殊不平則嗚自然之勢此富家之所以被劫而貧民之所以爲非也向使貧富均平衆生不失爲飽煖則天下太平翹足可待故本會利用均產主義雖利已而不害於大局雖損富而不危於國家較之各社團專圖私利者則有間矣伏望踴躍入會改良而推廣之乞兒幸甚。

女界改公僕爲婆僕宣言書

人有恆言皆稱官吏爲公僕僕而曰公是指公私之公非指公婆之公名義不同權

限各別。女略讀書明理。深知名物。豈敢故鬧笑話。以獻醜於同胞耶。顧姊妹等因此稱謂。循名責實。便覺得今日官吏。所謂公者不公。而所謂僕者。真僕名不正。則言不順。竊欲易其一字。以副名實。當經開大會議。再三討論。僉謂改爲婆僕。最屬的當。茲將改名理由。爲我同胞陳之。從前滿奴。每爲子孫之計。今日官吏。多爲妻妾之奉。自反正後。或帶情妓。或娶小星。例如尹昌衡之迎親。石錦泉之娶婦。其彰明較著者也。所以如此者。因滿奴多遠慮。故爲子孫作馬牛。新官多達觀。故以妻妾爲鸞鳳。是其做官目的。第一銀錢。第二女人。非爲民國。僕甘作老婆奴。捨是別無希望。此官稱婆僕者。一求利達者。驕妾守錢財者。稱奴。今民國新官。無不孳孳爲利。以求中飽。語其結果。則妻妾御羅綺飾珠寶。炊金爨玉。享用無窮。而新官棄名譽。以博錢。拚性命而求利。無非供妻妾之快樂。此宜稱婆僕者。二民國成立。男女平等。所謂公僕。非男界所得。而私而考其行爲。又絕無急公可言。從公謹慎不公甚矣。乃公實私於好貨好色者。此宜稱婆僕者。三有此理由。是公僕改爲婆僕。乃最當之名詞。彼既爲僕。不辭自應從婆。所好茲自今始。女界對於官吏。皆稱之爲婆僕。應將公僕取消。并將先生

與君之名稱廢去誠恐外間駭聽宜特宣布以息羣言此佈

木梳竹櫛訴冤書

敬哀啓者竊某等與辮子唇齒相依匪伊朝夕當日髮逆擾亂卽與之蕩平蟻蝨叢生卽爲之捕捉且藏污納垢泥塵推積又莫非某等爲之剷除而欲吊膀子者又得某等助之修飾以動婦女之愛憐是某等之種種服勞盡職不可謂不力矣乃自民軍起義後卽下剪辮子之令辮子旣長辭而去人皆置某等於無用之地甚且有放火焚燒不稍愛惜者試問人道安在天理奚存女界諸君雖尙有不我遐棄者然亦不過少數焉耳其剪髮店之所用又皆異種之人他日愈推愈廣恐亦見屏於女界諸君則此時此際某等豈尙有立足之地乎該辮髮等不念前日勦勞代籌善後之策其主人更將我族同胞大肆焚殺似此殘暴恐非主持人道者所宜出此爲此披瀝詳陳泣訴於頭顱腦筋諸長者前乞代維持昭雪俾生者旣有安身而死者亦得瞑目則某等感戴大德於無旣矣

專制與共和書

共和仁兄大人足下久耳隆名未獲一面誠以老夫與足下所抱之宗旨如柄鑿之不相入如冰炭之不相投馬牛風不及參商星不見勢之使然原無足怪然今者足下又見用於中國矣夫中國爲老夫之根據地自秦以來老夫世爲執政中間雖嘗屢易主人然老夫之權利初未嘗因之而稍替且以老夫善媚君主之故反信任愈深數年前曾爲立憲君主多方排擠老夫幾被屏去幸當道念老夫平日保護之功遷延復遷延僅敷衍以九年爲期而老夫之信任仍如故也老夫方自喜他國之權利雖多爲立憲君主與足侵奪淨盡惟此中國庶幾可以萬子萬孫傳至無窮縱不免稍有危險之時然不過如日月之食耳究何損其光明也昔馮道見重數朝自負爲長樂老人老夫竊笑之蓋數十年之光榮三五代之信任何足以自詡耶必也如老夫者始可不愧爲長樂老人爾豈意足下既雄據美法二大國不知自足復攫取我中華雷轟電掣一百餘日之中竟將老夫數千年之根據剷除無餘足下對華民之盛德固可歌可銘與天地同休然又將何以對老夫耶老夫今已無乾淨土以安身矣回思向日之作威作福言莫予違今安在哉今請足下爲老夫轉告世人如老

夫之根深蒂固。尙有今日之窮。彼不如老夫者。凡事須學季孫之三思。切勿尙意氣而爭榮。逞奸謀。而愚世夫。從古無不散之筵席。及至大難臨頭。方始省悟。以前所爲之不是。而欲追悔。如老夫者。蓋已晚矣。嗚呼。老夫從此與地球萬國長相辭矣。敢罄區區。以作留別。伏希垂鑒。專此敬請成安。老夫專制頓首。

共和覆專制書

專制先生大人老鑒。接讀手函。敬聆一是。先生在中國執政最久。以故爲害亦最烈。及至今日。內憂外患。相偪偕來。已有不可終日之勢。究其結果。竊恐終不免爲列國瓜分。僕早怒焉。憂之力謀。驅除先生而代之。冀有挽回之望。徒以先生根深蒂固。不易動搖。遂不得不靜以待機。前年立憲。兄極力調停。欲乘鷓蚌相爭之時。冀收漁人之利。後僅獲預備之虛名。而罷既而瞻觀大局。世變愈亟。間不容髮。僕勢不能再忍。坐失機緣。用將先生驅去。僕爲代之。惟爲先生腐敗過甚。遂致改弦甚難。亦可見先生罪惡之大矣。雖先生至今日。已有悔悟之言。然以一杯水未滅之天良。豈能補救一車薪火之罪惡耶。僕雖欲作原情之論。其勢終有所不能。至於留別世人數語。尙

屬中肯。僕決不敢以人廢言。自當代爲宣布也。末言今後無容身之苦。此係天演之淘汰。當然。先生現在火氣已退一點。真魂來復甚爲明白。僕更無他語。可慰已。率此布覆。順清退安。共和頓首。

詰問孔方兄絕交書

奇 遼

方兄足下。久承雅愛。眼荷垂青。幸訂知交。心常戀赤。以弟之菲才陋質。愚昧無知。荷承不棄。寒微結爲昆季。私衷欣慰。莫可名言。溯自結契以來。彼此交情密切。無事不仰仗於兄。誠以吾兄勢力既甚。渾厚才具亦甚。圓通方今之世上。自政府下及庶民。無一不仰仗大才爲挹彼注茲之計。矧以弟之無能。尤不能一刻離兄之左右。此皆吾兄之所深悉。所謂有生以來。除死方休。當日之誓言何等鄭重。情深義厚。未有甚於此者。弟雖不敏。亦嘗抱定宗旨。甯可負人。不可負兄。此二語。每與吾兄西窗剪燭之時。風雨淡心之夕。未嘗不慨乎言之。今乃口血未乾。言猶在耳。何其置深情於不顧。一去而不復臨也。憶自中華民國成立之日。兄與弟別。謂須赴京慶祝。臨別贈言。約我旬日必回。豈知睽違日久。音信未通。雲樹蒼茫。使人有難堪之隱。意者政府諸

公與兄結好將欲借重宏才暫留輔佐亦未可知然亦何以竟無一書慰我也轉輒思之不得其故伊人秋水望眼將穿良由弟之離兄實有片刻不能自存之嘆別後至今爲時雖未曾久而柴米界油鹽界醬醋界茶酒界知弟之已無助力往往意存輕視有時且大肆欺凌大加窘辱四面環逼應付爲難處境多窮行將待死知己如吾兄豈竟不念及之乎抑將與弟絕交乎然弟之與兄並未嘗稍有不合清夜自思撫躬自問亦斷無絕交之理雖然人情薄如秋雲世事本難逆料當今之世每多錦上添花豈有雪中送炭時勢使然無足怪也爲特急迫上書不勝待命尙祈俯念舊交請兄速來以濟困難如再不來是真與我絕交也夫復何言惟有示我速死之方針而已癡心不死猶望兄來九死一生在此一舉立候好音不盡依依

窮漢結典當朝奉書

激石

朝奉先生閣下不勞迎送日接音容自愧寒微難邀眷顧在先生不惜階前盈尺之地使小子賚呈不腆勉爲緩急之通先生之義高矣厚矣無怪聲色俱厲示小子以冰霜不可犯之容小子何說之辭然竊有願爲先生晉一言者則以小子懷寶而來

輩金以去有寶斯有金則先生似亦不宜絕人大甚耳況月奉三分二分之息雖先生之貴居停取之第先生若無小子輩供此月息貴居停將奚以先生爲爰敢專函與先生約此後小子如以先生激厲之故得以微有蓄積不再趨謁門牆固爲切天之幸否則尙祈先生稍斂尊嚴勿再以訑訑之聲音顏色相向致小子旣痛赤貧又遭白眼惟希先生憐而鑒之書不盡言言不盡意并頌先生永永爲貴居停聘請執業勿致有失就之日與小子一般深入窘鄉致先生更過先生也欣幸奚似肅此布臆敬叩獮安

債主新年致負債者書

顛公

某某閣下去歲臘鼓聲中屢次造謁始則語言之恟恍繼卽行止之靡常比至歲除更蹤影全無令僕有室邇人遐之慨僕以爲閣下從此戢影潛蹤深藏兔窟長舉世辭矣邇者鳳律更新鴻鈞轉運市面有振興之象人心當暇豫之時而閣下亦於此意氣發揚乘時而出馬車則捷於激電狐裘則暖欲融春或開曲院之筵或觀戲園之劇豪華闊綽雖郭鄧亦將遜君一籌回憶僕於去臘訪君時風雪敵衣道途

僕。僕。意。懸。心。急。餓。火。中。燒。其。苦。樂。有。不。止。霄。壤。之。分。者。閣。下。聞。之。得。無。自。矜。其。巧。而。笑。僕。之。拙。乎。今。年。關。過。矣。債。台。平。矣。閣。下。之。優。游。新。歲。誠。閣。下。之。幸。福。亦。閣。下。之。自。由。僕。何。人。斯。何。敢。阻。君。雅。興。雖。然。往。者。已。矣。來。者。如。何。所。望。閣。下。由。新。年。而。端。午。而。中。秋。而。歲。底。債。負。雖。日。見。增。加。場。面。仍。日。形。豪。侈。閣。下。之。才。亦。卽。閣。下。之。榮。也。僕。明。知。此。言。非。閣。下。所。樂。聞。卽。去。臘。之。種。種。苦。累。亦。惟。自。咎。兩。目。之。不。能。識。人。悔。已。難。追。言。亦。無。益。然。過。不。平。事。終。如。骨。鯁。在。喉。不。得。不。吐。之。以。爲。快。大。度。如。君。當。相。涼。也。祇。請。年。安。恭。賀。新。喜。某。某。頓。首。

負債者新年覆債主書

顛公

某某鑒。獻歲發春。正擬趨賀。祇因元日以來。非混迹於博場。卽廁身於妓館。偶有餘暇。烟寮酒肆。亦不能不稍一留連。大好光陰。轉瞬已經旬日。乃負燕之情。空抱而飛鴻之信。先施伸紙發函。浣薇雜誦。細繹閣下之意。一若去臘枉顧敝廬。深憾僕未及倒屣恭迎者。噫。誤矣。夫馮驩焚券。古人傳爲美談。閣下果大度爲懷。旣已承借於前。似不應追索於後。況乎年關緊逼。而索逋之急。甚於催租。乘人之危。尤非仁者。

所忍出。閣下不自咎而轉以咎僕。母乃於世。故人情尙有未洽乎。至於僕乘此新年。裘馬輝煌。招搖過市。旁觀者以爲過於豪邁。而不知僕亦有不得已之苦衷。良由世人淺見者多。貧富之分。大都以服御之奢儉爲斷。閣下之厚資。坐擁卽做車贏。馬人亦不敢存輕視之心。僕一喙雙肩。終歲奔走於富貴。苟一露窘狀。誰復肯假以巨資。卽如去歲。閣下惠假多金。非亦以僕場面闊綽。因遂深信不疑乎。大試之而大效。小試之而小效。僕於此中閱歷已深。雖負債日多。而世間慳吝之資財。自有術以供我揮霍。往者如是。來者可知。閣下固不必代古人担憂也。撥冗布泐。復請新安。某某頓首。

政界勸報館勿載官場冶遊事書

竊惟主賓盡禮。好飲固人之常情。爾汝忘形。狎邪亦官之本分。故走章臺之馬。始知京兆風流。逐短牆之鶯。都爲司空見慣。蓋我輩之平章風月。卽相公之燮理陰陽。名曰冶遊。實成佳話也。無如井蛙見小。市虎譏生。不以爲杯酒之流連。而以爲簞簋之不飭。遂令白璧被玷。青蠅報章。遽肆雌黃。道路安知皂白。旣傳言於衆口。天下之惡。

皆歸難剖。辯於寸衷。身後之名。有碍。豈非因一時之秉筆。而累百姓之藉詞者乎。況以議員心腸。極硬難免。糾彈省長耳目。甚靈恐遭免職。爲紅顏而棄軒冕。未免羞家。將皓首而玷衣冠。更無容地。無知者但笑爲鹽倉之鹹濕。知之者可惜其飯碗之根芽。於事實畏人知。於理應爲尊諱。在報界等深明世故。當悉原因。宜援隱惡揚善之言。曲就棄短錄長之例。居是邦也。何可非其大夫。不與言兮。樂得成爲君子。見而知之者。固付闕如之。列聞而知之者。亦在不刊之條。免教人地之批評。保全官場之名譽。望承金諾。借重鼎言。迅賜玉音。如弛担負。肅此奉達。并清箸安。

鴉片煙答吸煙者書

臥雲

前辱惠書。循讀再三。殷殷至意。若以我儕罪惡貫盈。上稽天討。動華人之怒。煩執事之憂。斯是用痛心疾首。不能不爲君一詳陳之。竊以萬物並育。而不相害。道並行。而不相悖。我雖醜類。本廁身西域。而無侵於君。惟自歐亞交通。始蒙見招。愛之如骨肉。親之如腹心。我是以有賓華之舉。則是君之狎我好也。迄今數十餘年。我末嘗久而不敬。詎料風雲變態。厭故喜新。妄殺不辜。討我無罪。吸我數十年脂膏血肉。一旦付

之一炬可憐。我焦土冤莫能言。則又君之忘我舊也。況君之嗜我非我之嗜。君自受其愚。當自討不暇。不謂自貽伊感。而反歸咎於人。是何心耶。且愛之欲其生。惡之欲其死。德以怨報。義以讎終。何其忍耶。雖然。天道難知。命誠不測。我亦樂天。任命與世相辭矣。今爲君計。當志直如矢。不可反覆。無常。若再收我餘燼。偷燈私吸。不顧十日十手。而自負頭顱。則我爲君担憂不淺。我今姑念舊好。而善道慫勸。君其三復思之。勿使忠告之言。以讎而廢。幸甚。

致上海體面商人書（仿前清官場書啓式）

顧公

出身闕闕。

言譚八面圓融。厠迹摺紳。

局面十分闊綽。商界久稱領袖。官場忝附衣冠。恭維

大商家諸公。

名重申江。

利操亥市。

數十年資格眼青白而常分

二三品頭銜頂紅籃而有耀開大員歡迎之會

末坐常陪過團體組織之場

簽名必到有沈萬三之豪富天子知其盛名比奚十一之驕奢宰相與有世誼凡此殊榮之特別令人欽佩之不遑某等素仰鴻名敬陳駢語自笑生成窮命空讀亞丹氏原富之書欣看大濬財源誰傳陶朱公致金之訣謹奉尺素哪貢寸丹祇請闕安伏惟大鑒

致童劉許三君書(集曲牌名)

張雲海

茲儂有五更轉之憾事寫之一封書中致之三學士前願各駐馬聽儂細訴衷腸而莫爲儂青衫溼也

昔儂在揚州慢擇佳耦以圖晝夜樂也孰料誤佳期於不覺而處此醋葫蘆於一室使儂度一日十二時不啻真有千秋歲之感不但其話諄如絡絲娘之饒舌其顛狂

香使柳娘之放蕩。其狠毒如謝秋娘之悍潑。而且面如醜奴兒。髮如禿廝兒。鎮日以魯拙速之言辭。如錦搭絮叨叨。令人厭煞。否則似菩薩蠻而哭黃天。有時脫布衫就地作黃龍滾。必得令人呼好姐姐者。再始收得勝令焉。嗟乎此儂。雖量一斛珠。以與之織銷金帳。以御之設五供養。以享之薰綺羅香。以衣之諒。皆不能釋伊之春雲怨。也是以不得已而贈之重疊金。逐出隊子之外。乃伊竟不惜分飛而去。轉使儂之意難忘也。此儂第一轉之大憾事也。

憶去歲三月海棠時。節在揚州慢步天街過。二三儂秀才。偕作少年游。以過秦樓。遂囑麻婆子。喚紅衫兒等。出迎醉翁子。不禁相見歡甚。乃設後庭宴。命雙雙勸酒。傾刻則紛攪箏琶。高唱合歡令。鬢雲鬆令等。豔詞其聲聲慢轉。如黃鶯兒之弄舌。已令人有步蟾宮之想。又復脫紅鞋相與舞霓裳之譜。屈春風。嫵娜之香軀。真箇步步嬌。若天仙子而醉公子。當此時。怎受其秋波媚態之頻擲。能不快活之玉山頽。如雪獅兒之向火而醉花陰之下者哉。於是兩情如結。合歡帶之莫解。訂於次日再來傾杯賞芙蓉。並可月底修蕭譜。彼此皆得沉醉東風一叙。此逍遙樂也。豈料於中好事多磨。

翌晨爲二親催謁金門。雖不敢希及朝。天子庶可一向御街行而沾惹上陽春也。於是立促儂上川潑棹而於江頭送別。日斷儂趁一江風以載此酷相思而去。嗟乎憶秦娥於秦樓月上之時。當惜罵玉郎恨不面嘲千萬遍之薄倖。久之竟憶王孫而不來。能不哭相思之淚而成江兒水哉。迨儂如阮郎歸而訪之。聞伊已作女冠子。繞佛國而閱金經。莫能再有會河陽之期矣。此第二轉之大憾事也。

去年乘風入松江。遇解佩令之鮑君。告以一轉二轉之恨事。乃伊令大言曰。我輩既賦翠樓吟。當奪錦標。折得東風第一枝。庶不慚對如此江山。而乃學摸魚兒。留連此陌上花市橋柳。亦慮人賦調笑令乎。儂聞言不禁呆骨朵。心如轆轤金井之莫定。又爲鮑老催以同行。遂向碧雲深處。忽見小樓連苑。爲垂楊碧縷所籠罩。四邊靜浪恬波。皆水紅花以蕩漾。美哉此園林好景。不啻春從天上來。雖不窺玉交枝之音容。而其疎簾淡月之間。仰見其月雲高尚也。及款門有雙蝴蝶侍婢出。延客雖非國色。天香亦曰多麗矣。當卽導儂等上小樓。四壁皆蘇幕遮。案上寶鼎現有香遍滿畫欄。而玉天仙恰在羅帳裏。坐其端莊真如桂枝香。沉靜真如秋蕊香。流麗真如金菊香。濃

艷真如錦衣。香恬淡真如白蘋香。然雖舉此五般宜以較之。尙未足以得五韻美也。則見其款動金蓮子。緩整香羅帶。起迎仙客。又奏洞仙歌以表其歡迎。嚶嚶真如步虛詞之爽。令人心比梅清。頃間瀟湘夜雨大作。以滴溜子而下。伊乃擗拍鮑老去而思佳客之獨留也。儂見玉漏遲遲。又不得不賦且坐令而此解語花。竟從剔銀燈酌梅花酒。以訴幽情焉。言奴命薄如撲燈蛾。力弱如風中柳。運蹇如寄生草。不得有畫眉序之樂。耍孩兒之福。將來亦不過如花自落而已。若公子念奴嬌。收作朱奴兒。或爲青歌兒。亦勝做此鬼三臺之世業也。言訖泣顏回顧。淚似珠絡索之直溜。嗟乎儂既結有鴛鴦煞之恨。事久已懶畫眉矣。今遇賞花時節。出以聊陶漁家樂耳。豈敢花心動爲醉落魄之事哉。且儂身邊無滴滴金焉。能白享此紅芍藥之豔福。勸伊莫作甜水兒。將人和也。伊乃出金瓏璫之釧以贈儂。轉使儂忒忒令心弗甯。既不敢涉赴高陽臺之想。又何得有雙雙燕頰頰之志乎。可憐當日辜負此一枝花之美。情今日雖恨似鶴冲天。已又一時矣。此儂第三轉之大憾事也。

憶今春和三學士等在惜餘春。慢沽美酒以集賢賓而談天下樂事。憶少年多輩弗

若也。後又往儂家門。蠻牌令不覺春霽之破曉。一遇小桃紅透。豔陽天之時節。相與共踏臺城路。以向綠楊村處。而聽村裏逐鼓。又或借洞庭烟以操番槍子。亦能解三醒之醒。真箇揉碎花箋。塗豔句賞心。共醉玉壺春。斯時算儂之畢生最大勝樂。也不意儂渡江雲而來。通竟似離亭燕之分飛。不復有瑤臺聚八仙之勝事。祇有滿庭霜落深院。月涼而起桃源憶故人之感。每倚蘭干。萬里心酸。遙望故鄉之契友。而不見惟有滿江紅影飄零。想是儂之江亭怨淚也。此儂第四轉之大憾事也。

今既喜遷鶯似而來。通其運當如節節高而上矣。獨是秋夜月明。繡幃春斷。總覺寂寥。疎影一枕風寒而已。莘君等來賀新郎爲傾杯序之大冰。使儂永遇樂。料得此好事近矣。但儂未見虞美人影。不能妄憶仙姿之妍媸。又不能妄憶多嬌之賢淑。漫然如人月圓之成就。倘不是路則儂之玉胞肚更氣破矣。故曰不求勝如花。惟願端正好。望諸兄勿誤佳期於至再也。是以儂心有一半兒之未定。不能不算儂之第五轉之大憾事也。

詩曰大江東去浪淘沙。淘盡英雄。付落花心似駐雲飛。已遠不堪重聽攪箏琶。淒

涼風雨滿江城。欲哭相思淚不成。起剔銀燈詠怨句。消魂雁過帶沙聲。回首鄉關憶舊遊。海天闊處輒凝眸。一江風斷惺忪夢。送盡瀟湘夜雨愁。秦樓月上憶秦娥。曉角霜天恨更多。莫結巫山雲一片。於中好事恐招魔。

組織廢民會簡章

南方翔

慨自滿清推倒大員。盡變廢員。共和告成。幼帝已爲廢帝。吾等渺焉民體。能不寒心而思。所以保全之乎。然欲舉大事。必合羣力。則集會尙矣。用定簡章。冀收實效。尙祈爭先報名。幸弗自甘暴棄。謹定簡章如左。

一。定名。本會集全全國原有之廢民組織而成。故名曰廢民會。

二。宗旨。本會以擴張固有之權利。如抵制禁鴉片。禁賭博等。務使終身游蕩。爲世界。上分利之人。爲宗旨。

三。入會資格。凡具左列之一。皆得入會爲會員。

(甲) 曾爲滿清官吏。現在無事者。

(乙) 吸鴉片烟者。

(丙) 無業之流氓。

(丁) 和尚。

(戊) 道士。

四女會員。女界中如尼姑念佛婆以及非常懶惰不能作事者亦得入會爲女會員。

五職員。會員中公舉資格最老閱歷最深之一人爲正會長。其下更舉副會長二人會計二人書記二人幹事八人調查十六人評議九十九人。

六經費。會員入會時不拘多寡隨意捐助如有將先人遺產變賣作自己揮霍費時能捐若干成充會中經費者當贈以名譽員之獎勵。

七會址。並無一定之地如茶肆酒樓妓寮祕密烟室麻雀總會皆可爲本會會所。

八此係暫定簡章倘有未善之處尙容隨時改良。

發起人削籍私民同啓

吸烟黨簡章

龔 夫

夫黨會之多。莫多於今日。學界有學界之黨會。工商界有工商界之黨會。女界有女界之黨會。各結團體。各謀事業之進行。惟我烟界既不立黨。又不設會。竊嘗憂之。矧烟之爲物。既能貧國。又能貧民。且可使身體孱弱。得早赴九泉之下。我中國今日之所以現如此貧弱之狀態。未始非我烟界之力也。故今日苟不設黨會以促其進行。其何以能發達我烟界哉。西士等有鑒於此。爰組織吸烟黨。以發達我烟界。並保存我病夫之美名。想我烟界同志。必樂於贊成也。茲將簡章列後。尙祈我烟界同志。有以教之。幸甚。

一宗旨 衰弱我人民之身體。耗損我人民之財產。破壞我人民之名譽。爲宗旨。

一黨訓 本黨欲使我黨員確守宗旨。並達我本黨之目的。爰立黨訓二則。凡我黨員。其各遵守之。(一)怠惰。(二)無恥。

一入黨 凡素有烟癖者。皆得爲本黨黨員。

一黨員義務 凡黨員均有勸導不盡吸烟者。使之盡吸烟之義務。

一黨員權利 凡黨員介紹黨友十名以上賞大土一只五名以上賞陳膏一兩一名以上賞派律脫一匣。

一職員 本黨職員以吸烟之多少定之凡吸烟最多者得正黨魁次多者爲副黨魁以下遞次得爲幹事員評議員書記員會計員等職。

一出黨 凡中途戒烟或不遵黨訓者得由黨魁令其出黨以儆效尤。

一黨址 設在火家宅西土地堂內。

一規約 本黨規約另紙錄出揭示於會堂內。

一修改 此簡章如有未盡事宜得隨時修改。

發起人火西土陳清膏派律脫同訂

吹拍社簡章

醒 厂

(一) 本社定名爲吹拍社。

(二) 本社以吹拍爲宗旨。

(三) 本社設立在大言街曲膝巷。

(一) 凡在各界人員。倘合後開資格之一。皆得爲社員。社員無定額。
(二) 社員資格。以吹拍兼全者爲上等。能拍不能吹者爲中等。能吹不能拍者爲次等。

(一) 公推社長一人。副社長二人。以合上等資格者爲限。幹事員無定額。卽在各社員中推選文牘員無定額。以文字華美。工於吹拍者爲限。卽屬言詞生澀。可以酌予通融。

(一) 社員入社之後。須以隨時隨地。息肩諂笑。吮痔舐癰。海市蜃樓。高談闊論。爲業務。倘有孤高自許。或入社後變爲剛直者。本社得阻止其入社。並斥令出社。

(一) 社員能以吹拍取得職業。祿位者。本社酌予獎金。月得千元者。獎五百金。月得五百元者。獎三百金。月得三百元以下者。獎五十至一百金。

(一) 本社附設吹拍研究社。一所以能實行吹拍爲畢業期。特聘國武子馬謖。丁謂等爲教員。教授巧言令色。足恭鑽營。奔競請託。逢迎諸科。

(一) 本社社員妻女。能以吹拍之技。見愛於土豪巨紳。或其太太姨奶奶。因而其夫。

得。有。重。大。之。職。業。者。經。該。社。員。介。紹。本。社。得。歡。迎。爲。女。贊。助。員。

中華民國女子拒夫黨簡章

一。綠。起。凡。吾。女。同。胞。不。能。十。分。自。由。皆。因。受。夫。約。束。所。致。今。民。國。成。立。既。已。一。律。平。等。自。由。則。吾。女。同。胞。將。來。必。有。吐。氣。揚。眉。之。一。日。但。專。制。餘。燼。驟。難。消。滅。夫。之。約。束。一。時。亦。未。易。能。除。卽。以。鄙。人。之。夫。而。言。約。束。甚。嚴。致。鄙。人。竟。不。能。越。雷。池。一。步。受。患。不。堪。言。喻。夫。吾。女。同。胞。敢。與。參。議。院。爭。持。而。獨。不。能。除。夫。之。約。束。脫。夫。之。羈。軛。吾。不。信。也。然。則。欲。除。夫。之。約。束。脫。夫。之。羈。軛。其。法。奈。何。曰。惟。拒。之。於。先。而。已。故。鄙。人。特。組。織。一。黨。名。之。曰。中。華。民。國。女。子。拒。夫。黨。

一。宗。旨。以。拒。夫。約。束。達。自。由。爲。宗。旨。

一。資。格。凡。已。於。歸。者。皆。有。入。黨。之。資。格。

一。年。齡。不。論。老。少。

一。辦。法。本。黨。辦。法。先。公。舉。一。素。負。獅。吼。名。而。本。夫。畏。之。如。虎。者。爲。黨。長。餘。支。部。幹。事。員。亦。由。黨。中。公。選。惟。薪。水。現。暫。不。給。將。來。發。達。後。再。行。斟。酌。

一。效。果。凡。入。黨。之。女。同。胞。皆。有。神。聖。不。可。侵。犯。之。資。格。如。有。本。夫。敢。於。侵。犯。則。立。開。大。會。聚。集。諸。姊。妹。大。興。娘。子。軍。以。征。服。之。

一。會。期。每。年。一。會。會。時。隨。帶。本。夫。至。會。場。使。本。夫。長。跪。隨。吾。女。同。胞。鞭。撻。指。揮。黨。長。臨。場。監。督。以。判。程。度。

一。地。址。在。牀。側。省。城。馬。蓋。坊。第。一。號。門。牌。凡。有。志。入。黨。速。來。報。名。可。也。

中華民國抗妻會簡章

發啓人女士王獅謹啓

一。綠。起。自。共。和。告。成。國。民。腦。力。中。人。人。有。自。由。平。等。之。字。樣。而。女。權。遂。因。此。格。外。膨。漲。其。勢。力。之。大。斷。非。言。語。可。以。形。容。近。閱。報。章。甚。至。有。拒。夫。黨。之。出。現。嗚。呼。陰。陽。之。陰。陰。雖。在。陽。之。上。而。乾。坤。之。坤。坤。究。在。乾。之。下。鄙。人。素。性。懼。內。隣。里。咸。知。常。受。妻。之。辱。罵。鞭。撻。曲。意。忍。受。雖。恨。藏。於。心。而。卒。不。敢。發。捫。心。自。思。亦。難。自。解。夫。我。男。子。何。辜。而。罹。此。苦。况。哉。竊。思。四。萬。萬。中。男。子。亦。居。其。半。其。中。同。此。病。者。蓋。亦。不。少。鄙。人。研。究。已。久。欲。脫。此。病。非。抗。之。不。可。故。特。發。起。一。會。名。之。曰。中。華。民。國。抗。妻。

會。

一宗旨 以抗妻爲宗旨。

一資格 凡已成婚者皆有入會之資格。

一年齡 不論老幼。

一辦法 本會之創立亦由於不得已故大略效法於拒夫黨公舉秉性剛強而有吳起之忍心者爲會長。餘支部幹事員亦由多數公舉贊成薪水均免。

一公捐 凡入會報名時須帶公捐洋一元以備木棍木槍木刀之用。夫此等武器本均可不辦。然照拒夫黨章程第六條有興娘子軍以問罪征服之語。本會既曰抗妻則不得不謀所以自衛之策。

一效果 凡入會者爲堂堂之大丈夫。如有本妻侵犯先用文明對待以評理之。是否倫彼不服則開會聚集諸同志預備出隊。或彼已排隊而來卽與彼列陣對壘。一決雌雄。

一會期 一月一會。會時隨帶本妻在場。用文明手段聽諸同志使喚不得一毫偏。

強。會。長。在。場。監。督。卽。以。判。程。度。而。記。分。數。於。簿。

「地址 現在暫居拒夫黨隔壁有志入會速來報名多多益善」

發起人趙弗怕謹啓

防範男女學生研究所招考簡章

一宗旨 本所以人心不古。世道日衰。力詆男女平權痛斥自由主義爲宗旨。

一資格 不論軍民人等。具有左列資格之一者皆可來所研究。以免向隅。

(甲)富有守舊思想而於防範法素有心得者。

(乙)男女授受不親而有古道可風者。

(丙)於風流場中曾經失足而能現身說法以供同志之參考者。

(丁)血氣方剛願以一身之精力犧牲於本所而實驗慾望之所以發起者。

(戊)所見不出鄉里而未窺世界大勢者。

(己)以男女學堂爲無足輕重而絕對的不贊成者。

一學科 大別爲十種。其子目不備載。

(甲) 防止淫欲之作用法。

(乙) 消滅淫心之觀念法。

(丙) 發明女學生之藏匿法。

(丁) 整頓男學生之告假法。

(戊) 偵探男女學生之行蹤法。

(己) 實驗男生慾望之起原法。

(庚) 取締女校聘用男職員法。

(辛) 嚴查各校進出信件法。

(壬) 研究男女學生終不見面法。

(癸) 限制男女校不相往來法。

一 學額 本所志在普及來者不拒快快報名。

一 學級 暫照上開科目分設十班。

一 用費 所內開支歸發起人籌畫其餘膳宿等費各人自理。

一宿舍 在本所對面向左向右轉黑龍江弄內指定寄宿不得擅移膳亦代備不用者聽。

一報名 在杜撰地方滑稽弄庭何曾有處。

一考期 准去年明日上午十三點鐘。

一開學 本年十月一號。

一時間 每日自西半球黎明時起上課二十四點鐘。

一年限 扣足地球公轉三週。

一獎勵 上等畢業者由本所呈報閻王給發長生文憑。

一校址 繁華世界鬧熟馬路少年里內夜花園中。

一校錄 事屬創舉擱筆一笑閱者哈哈。

創辦者 仇維新暫訂

贊成者 胡鬧代布

最新滑稽雜誌卷二終

